

Opuscula

Opuscula

I
C

A
E

C

I

A
S

I

A

INSTRUMENTUM P V B L I C V M,

de & super

Virtute, eruditione, Meritis & Laboribus.

Perillustri Clarissimo & Admodum Reverendi Domini

D. M. JOANNIS JOSEPHI,
PAŁASZOWSKI

Vtriusq; Iuris LICENTIATI ac PROFESSORIS, Ecclesiarum Col-
legiatæ SS. OO. ARCHIDIACONI in Willamowice Curati,

dum à

CELSISSIMO PRINCIPE

ILLUSTRISSIMO & REVERENDISSIMO DOMINO,

D. ANDREA
STANISLAO KOSTKA

COMITE in ZAŁVSKIE

Z A Ł U S K I,

DEI & Apostolicæ Sedis Gratiâ

EPISCOPO Cracoviensi, DVCE Severice,

EQVITE A QVILÆ ALBÆ,

Studij Generalis Universitatis Cracoviensis

CANCELLARIO FAVENTISSIMO.

ad ædes Collegiatæ Sanctorum Omnium præsentæ magna Illustrissi-
morum Hospitum Corona

ritu solenni

JVRIS VTRIVSQUE DOCTOR,

renuntiaretur

conferente Eidem Doctoratûs Insignia

Perillustri Clarissimo & Admodum Reverendo Domino

D. M. ADALBERTOMICINSKI

Juris Utriusq; Doctore & Professore Facultatis Juridicæ DECANO, Ecclesiarum Collegiatæ SS. OO. Crac
CUSTODE, Parochialis in Luborzycâ & Koniutzá Curato, Consistorii Generalis Cracovien: Allessore,
A 32; Stanislaa FOLTANSKI, Philosophia Doctore & Professore, Ecclesia Collegiata Szrodensis Canonico
In Forma Oratoria

C O N F E C T U M.

Anno Dni 1748. Die 28. Mensis Martij.


Cracoviæ Typis Collegij Majoris.



Literæ posteritatis Causâ repertæ sunt, quæ
oblivioni subsidio esse possunt. *Cic: pro Sylla.*

Exempla omnia jacerent in tenebris, nisi li-
terarum lumen accederet. *Cic: pro Archia
Pœta.*

Instrumenta consignanda sunt die, An-
no, Principe, & Episcopo. Post con:
Tolet: imo c. 12.



INSTRUMENTUM PUBLICUM,

De & super
Virtute, Eruditione, Meritis
& Laboribus.



Ugusta Orbis decora virtus &
Sapientia, quanquam ad Sceptra
& Coronas nata, in sublimi fa-
mosæ cujusdam gloriæ peren-
nent Throno, vasalla tamen in
plausibus non habent sæcula, si
de hoc nulla literarum testentur
munimenta. AA. Majestatem a-
nimi non cum inanis auræ soni-
tu, aut strepentis vulgi fremitu, conficiunt Myrones,
solus se ingeniosus Magister, absq; dolabra & bipen-
ni, quod Acrocorinthos & Septizonia vincat, erigit
subselium, quod verò id hæreditario jure possideat,
succedenti ævo, controvertet Orbis, ni lites, scripta
dirimant & jurgia solvant. Eò modò traduntur fa-
sces Imperij virtuti, solvitur honoris tributum Sapi-
entiæ, alioquin quod eis vectigalis existat Mundus i-
gnorabit. Unde venit quod Herculis labores, robur He-
ctoris, dexteritatem Leonidæ, triumphos Cæsaris, Iso-
cratis facundiam, stupemus & attollimus, utiq; neq;
a Her-

Herculem, domantem monstra, neq; Hectorem favos Delopes, vivacesve sternentem Ahivos, neq; intra Thermopylarum angustias, numerosum Xerxis exercitum fugantem Leonidam, neq; per strata populorum cadavera, quadrigis vectum Cæsarem ad Capitolium vidimus, perorantem de Cathedra Isocratem non audivimus, nisi quòd de his omnibus leges & volumina nos informant. Sudat Plinius, ut in ejus sudoris profluvio, speciem Viri boni quæ decebat Trajanum, intueantur sæcula, pallet ad chartas, rubet ad Phæbi Scholastici æstus Horatius, colligit eviscerati pectoris in spongiam humores, quibus conspissatum sui cum rubore pallorem, in colorem diluens, ex illis concinnæ mentis penicillò, dignam Imperiò sui Mecænatis, pingat imaginem, quam in publico gloriæ appensam Theatro, spectet posteritas, laborat extremis Claudiana Musa Spiritibûs, ut magni Stiliconis vetet nomen mori, ut illud nulla unquam conticescat ætas. Ita est: beneficiò literarum, immortalis apud posteros paratur fama, quòd Decius cicutam bibens locò intentatæ mortis, vivat parte meliore superstes, eruditi fecere sales, quòd Callisthenes ferreæ inclusus cavæ, de libertate disputando Philosophica, gloriæ passibûs in Orbem exiverit, Scriptorum factum potestate. Quod Sol sementi, ros flori, remus puppi, fundamentû domui, præfidiû Regi, idẽ sunt scripta virtuti, idẽ Sapientiæ. Non adolescunt sine Sole femina, langvent sine rore flores, naufragatur sine remo navis, cadit sine fundamento domus, nevè sine literali testimonio virtus aut Sapientia, in succedentis memoria ævi, crescit, viget, perennat, dominatur. Eclypletur literarius Phæbus, pulchra virtutis gesta, quæ nostrum tempus videt in flore, venturum non spectabit in messe, ut ad horrea magnæ conducat adoreæ

doreæ, desit Scriptorum sæpia, victrices palmæ, in
Imperatorias virgas, Ducum clavas, Mareschalcorum
Scipiones, Laticlavia Principum, Cæsarum Thronos,
non explicabunt ramos, desint Scholastici calami,
qui vices remorum obeant, onustæ cimelijs prægran-
des animorum venient in Scopulos sui ævi naves,
sine caduceo Mercurij, præcellæ gloriæ non diu sub-
sistent ædes, eripient de manibus debita virtuti Sce-
ptræ sera tempora, si pro illa literarum ordines, non
pugnabunt. Vixere ante Agamemnona fortes, ante
Tròës & Arcades, qui suos Aborigenes revocabant ad
Lunam, fuere Gentes, erant sua in bellis ante Præ-
myslaum stratagemata Sarmatis, sed quia hæc nul-
la retulit in codicem penna, proin ignota in theatrū
plausuum non ducuntur. Quantum in TE triumphat
Virtus, quam pompam explicat Sapientia, quàm ma-
gnis meritorum passibūs, ad summum Juris Utriusq;
DOCTORATUS progredieris fastigium, cernimus o-
mnes, singuli intelligimus, sed ne hæc ignorent sæcu-
la, exin paradigma habitura gestorum, ea pace TU-
A, per literarum erudiam instrumentum. Instrumen-
tum hoc suspicantium mentes, cogitantium de se ab-
solvet Judicia, quia publicum, Solennitates sui in hoc
Divæ Themidis Areopago explicabit.

Liquo exquisitos verborum colores, ut pulcher-
rimā cultissimi Tui animi repræsentando Orbi adumbrē
effigiem, non elevo Oratoriam pennam, ut Augustale
TUÆ attollam mentis, nil in TUI encomijs labora-
bit Eloquentia, quanquàm de TE vel nudè dicere la-
boris ejus summa erit. Conquirunt ornamenta ab-
extra, qui nativis deficiunt, quibus res angusta domi,
alienos obambulant lares, ut earundem emendicent
pretia, Regales animi domi apparatus habent, pro-
prio ditescunt ære, ignorant prorsus egestatem. Bi-

bunt sanguinem in Arabia, ut rubeant purpuræ, cum
purpura nascuntur rosæ, expoliuntur vitra, ut niteant,
purior lucet sine arte crySTALLUS, coluntur steriles, ut
fructificent agri, fertilior alibi tellus fructum inara-
ta dabit. Æmuletur Parrhasius Zeuxem, ludentem
pulchriori eludat arte, super Apellis lineam, nil addet
Prothogenes, obscura nox ardentibus illustretur ræ-
dis, adscititio dies non eget lumine, quæ suo trabeata
Sole manet lucidissima. Comunt se ad speculum, ho-
nestant pigmentis, balsamo thymiamate ungunt,
quos male pendentes rugæ & turpè olenia dehone-
stant labia Thersites, formosi Ganimedes, pulchri A-
donides, puniceis genis roseam auroræ formam, la-
biis referentes lilia, cerussam respuunt, stibium dete-
stantur. Supremi Tonantis filia virtus, Hortensio-
rum rosas, Gallicanorum lilia, ad sui Coronam non
poscit, cui in Paradisi hortis nectuntur ferra, verbo-
rum gemmas pro dote non accipit, quæ suis monili-
bus opulenta existit, intaminatis fulgens honoribus
Oratorios fucos ægrè patitur, ingeniorum lumina a-
spernatur. Magnitudo mentis non juxta robur attol-
lentium, mensuram à palmo, ab ingenio formam
à labore durationem non accipit, & tamen artificio
Memphim, altitudine Pharum, amplitudine Ephesum,
& centum portarum excedit Thebas, summis fastigi-
is supereminet tantum, quantum Carpatho Olympus
aut lambenti terram miricæ Cælo maritata Cedrus.
Talis mihi dicendus venis **PERILLUSTRIS DOMI-
NE NEO-DOCTOR.** Cui Virtus scribit Panegyrim,
Sapientia Honoris ædificat domum, ampla ornant
merita, omnes curam impendunt dotes, in tam pul-
cherrimo opere, labore non indigent Oratoris. Non
itaq; in altum Sapientiæ TUÆ eniti contendam, u-
bi Mercurij fatiscunt pennæ, non meritorum pro-
fun-

fundum tenui metiar arundine, ubi ne desident cel-
fioribus opus ingenijs, sed publicum de TE sensum
quod virtutum & meritorum evincunt testes, in bre-
vi pagella exarabo. Et quidem primo testatur juve-
nilis ætas, ætas illa: quæ inscia fallere, rem totā aperit;
statim enim se in primo vitæ exordio natura expli-
cat, quid in ulterioribus ejus partibus pertractabit.
Non degenerat utiq; Vir à puero, consentit cum pal-
mite vitis, cum pubescenti culmo arista cum primo
diluculo dies. Qui à teneris per scuta reptant, ibunt
adulti cum Stilicone in gladios, qui ad auroram vi-
tæ in Hymetto umbram quærunt, ad meridiem æ-
stus non ferent cum Adonide. Jugulabit Vir Cives,
qui puer colla papaverum demetit Tarquinius, ma-
gna posthac tentabit Cyrus, qui adhuc infans pueri-
les lusus vertit in seria, si Macedo adhuc puber o-
blatam sibi à Paride repudiat Citharam, ad fidium
cantus obdurabit aures, cum exuet prætextam. An-
tequam itaq; aliorum dicta, in paginam referam, pri-
mo juvenilis ævi asserta exarabo. Dicit hæc JOAN-
NES verè in Orbis delictum natus, prætextam hu-
merò, togam præsetulit animò, vultu infans, senex
moribus, in illo proclivi ad ludicra & inania ævo,
non nugas secutus & ineptias, sed procul honesti
ductus amore, arduum virtutis ingressus callem, ad
magna nonnisi ferebatur. Ne itaq; ad domesticos
delitesceret focos, in campum descendit literarium,
ubi pulcherrimam virtutis suæ exorsus scenam, o-
mnium ora oculosq; in se convertibat. In doctis lu-
dendo Olympijs, non tardiori Lentulorum incessit
gressu, æquabat hoc in cursu Celerinos, æmulabatur
Hippomenes, celerrimo mentis curriculo aliorum
spes prætergressus, per invias scientiarum semitas rapi-
do cursu agebatur. Scholastico conspersus pulvere,

b adeo

adeo robustus apparuit, ut ab irruente in se ignorantia, ne quidem passu moveri posset, à qua impetitus eandem prostravit feliciter, prostratam in literaria sepelivit arena, & ne sua tumulatae deessent funeralia Cleanthis lychnos accendebat. Palladianam adeo fortunatè excoluit glebam, ut ex illa ad suæ mentis horrea copiosam Scientiæ messem congregaret. In Atticis noctibus honestæ mentis præferendo facem, tenebras fugavit ingenij, in die purioris animi crystallo, Sipientiæ radios combibebat. Ad scientificum Phæbum, ubi etiam acutiores mentium lippiunt oculi, JOANNES Aquila, ingenii sui erudiebat pupillam, ad quem indies sagacis intellectus & pertinacis laboris pennis advolabat. In Parnassijs montibus, ubi alii impingunt in lapides, ipse aurum repererat, quorum acutiori indagine rimabatur viscera, per Tullianum æquor fortunatus Ulysses, onustam pretiosi eloquii mercibus devexit onerariam, Scientiarum clavi ad Musarum Sacrarium, sibi aditum reseravit. Nec tamen aliter doctæ sacrificavit Palladi, nisi quoq; Cælo, thura libaq; votorum adoleret. Profanas in Eo literas à caractere non distinxisses Virtutis, æquè Virtutibus incumbere ac Scientijs, indies doctior, indies in vita perfectior evadendo. Atra sæpia vitæ non obfuscavit candorem, ardor sciendi probitatis fomitem non extinxerat, ardentiùs cor pijs affectibus calebat Vesuvijs, quò magis vis ignea ingenij consumptis difficultatum obstaculis æstuabat. Expoliendo mentem purgabat conscientiam, illuminando intellectum obscuram caliginem curavit removeri ab anima, Qui in sui pectoris, sphaera Cælestem Phæbum collocavit. Quanquàm dulcem Sipientiæ portionem, non aliter tamen gustare voluit, nisi esset Sale Divini condita timoris, in A-
polli-

pollinis non aliter ludit Cithara, nisi præter ordinatas fides, actuum quoque haberet consonantiam. Non solum oris sed quoque morum Tullium Præceptorem habuit, æquè bene dicendi ac bene vivendi discebat præcepta, ad mentis operationes cor quoque Eius pio operi intendebat. Inde factum, quod brevi tempore ad id eruditionis venit fastigium, ad quod per multas Olympiades temporum, difficile quoque, eluctari. Quid mirum hæc enim nempe virtus illius Magistra erat, quæ Ipsum docebat clariùs, erudiebat sinceriùs, quidquid abditum aperiens, quidquid innodatum, explicans, hæc erat lux, quæ Ipsum in profundum Scientiarum duxit, obscuros de rebus illuminavit sensus, hæc erat discendi regula, quâ, mira facilitate discebat difficilia, abstrusa & innodata capiebat. Nil tamen de pristina aviditate, esto plura Scientiarum collegisset pretia, remiserat, adeo cupidè his inhiabat opibus, ut in ijs continuò lucra quæreret, laboris substantiam in bonis artium collocaverat, unde illi indies eruditionis summa accrescebat. Archivum Palladis suum voluit haberi ingenium, jam aurei eloquij torques, jam Philosophici æquoris ad illud conquirens uniones, doctorum Virorum revidendo scrinia, quidquid in illis rari, quid pretiosi, sedulitatis cõdemens nummò, ad depositum pectoris comportabat. Quantum discendi ardor, qui in ipso Scientiarum fonte vehementius excanduit, hic cum crevisset in incendia, non rarò fugam supplebat Solis, quàm pulcher in opere literario labor, ferebat sine tædio æstus, portabat sine gravamine onera, per salebrosas difficultatum semitas usque ad laureas Philosophicas processerat, quæ in Illius emeritis temporibus, à sudoribus vigorem, ab ingenio nactæ culturam, velut in vertice Pindi flourerunt. Sub lauru hac frontem à sudoribus non.

absterferat, nec enim umbram sub illa quæsiit; sed Solem, proin non à laboribus quiescere, sed erudito motu perpetuo voluit agitari. Testatur Academi cæremus vocalem meritis, clarum eruditione JOANNEM. Hic circa docta deambulando resonabat flumina, in eius crystallinis undis Viri boni speculabatur imaginem, unde similem in sui intellectus tabula concinnæ penicillò mentis efformaret. In palmari Palladis Jagellonicæ deserto, solido per lubrica curarum incessu, profundò per ferreos conatus meritorum incedens vestigiò, rectam sibi ad Sapientiam viam præparabat. Non melle victitabat sylvestri, sed ex redolentibus Oratorum thymis, suave spirantibus hymettis hyblas libabat Heliconias, in alveario sui pectoris dulcem Scientiarum favum confecturus. Date fidem eruditæ plebi, quanta apud eam JOANNIS in hoc deserto erat æstimatio. Videbant in Eo omnes fervidam discendi cupidine accensam flammam, observabant Herculeum ad frangendam errorum potentiam robur, proin in dubio votorum certamine sub diversa opinionum signa abierunt. Dicebant hi JOANNEM scrutatorem futurum esse Plinium, qui naturæ scrutando mysteria, occultas rerum investigando qualitates, propius indies ad medullatam earundem intelligentiam accedebat. Dicebant illi acutum esse Zenonem, qui subtilis mentis acumine, obstantium difficultatum præscindens corticem in nucleo Iliadem reclusit Scientiæ. Alij Divinum credebant Platonem, quod ea quæ humanæ ægrè capiunt mentes, facile comprehenderet, cum per summa entium cacumina inoffensò pedemmate grauderetur. Ea quæ innuo fusius edisserunt Stoæ, clariùs loquuntur Perypathi, qua cum gloria in stadio Philosophico magnanimus certabat Athleta, quò cum plausu

plausu doctis redibat à congressibus. Affirmabant
alij Gallicanum Herculem, qui pendenti ab ore fle-
xibilis eloquentiæ torque, juxta sui arbitrium audi-
entium ducebat sensus, liberas voluntates hominum
vinciebat. Magnitudinem horum velut arborum ex
umbra metiamur ingenij, quâ Illustrium Virorum
illuminando facta, more Solis; clarum Eorum Nomen
à cimmerijs vindicavit. Prostat adusq; mentis ille
industriosæ partus, (Quantitas meritorum continua)
magno olim in hac Universitate meritâ & Sapientiâ
Viro PERILLUSTRI MATERSKI, cum Sacræ
Theologiæ crearetur DOCTOR, in perennaturæ
memoriæ extructa trophæum, inventione singularis,
dispositione pulcherrima, artificio commendabilis.
Sed dignum erat: ut qui virtute clarus, illustris foret
Sapientiâ, in normam abiret multorum, lucerna e-
nim, quæ propellit tenebras, non sub modio poni,
sed in publico candelabro collocari debet, proin SE-
NIOR Contubernij Philosophorum electus, quan-
tùm exemplo & institutione emicuit, dant in luce
publica testimonium, quotquot hoc prævio Phospho-
ro videntur gloriæ in meridie. Felix Alcindus tenel-
las excolendo plantas, nunquam permisit sterilescere,
nunc dulcem præceptorum radici, ne injuriâ humo-
rum acescat in fructibus, instillans succum, nunc salu-
taribus contra tempestates & ventos ligans monitis,
nunc arescentes svavioris doctrinæ humectans rore,
nunc luxuriantis vitis racemos & inutiles rescindens
Stolones, in proceras arbores fecit excrecere, quæ
Sapientiæ onustæ frugibus & Musas alerent & Solia
sustentarent. Sub Ejus tutela ad magna nati prospe-
rè Poloni adolescebant Ascanij, firmabantur in ful-
cra Patriæ, stabiliiebantur in Colossos, ut in magnis
WILKONSCIORUM & DEBINSCIORUM com-

pertum Nominibus, quorum lacertosæ ingenij vires,
in quovis turbine, & nutantium declivio rerum,
pares sunt etiam maximæ negotiorum moli suppor-
tandæ. Fortunatus Chiron teneriores quos suscepe-
rat in decus & natalis præsidium Soli educabat A-
chilles, quod ut omittam alios in ILLUSTRISSIMO de
KODEN SAPIEHA Thesaurario Curia Ma. Duc. Li-
thvaniæ verè Gentis Sarmaticæ Achille, monstrat
probatve Orbis consilij robore ingenij fortitudine,
pro Aris & focis strenuissimè decertante. Tollit sub
sidera Ejus nominis famam ILLUSTRISSIMÆ SAPIE-
HARUM Domus Sagitta, & dum in centro hono-
ris consistit & gloriæ, quâ fuerit diligentia ab institu-
trice sui directâ dextera, ex ordinatissimo illius cursu
patet ad oculum universis. Auxere meritorum la-
borumq; fidem præclara summorum Caput in hoc
Athenæo judicia, quem eruditorum Virorum annu-
merando cætui, ad domum Collegij minoris magnis
affectuum passibus deducebant. Viro tanto venien-
ti ad se omnes in illo erudito Palladis gremio, occur-
rerunt cum júbilo, cujus politiori literatura decorum
ingenium, solida fæctum eruditione caput, maturâ e-
decumatum prudentiâ judicium, ubivis perspectum
habuerunt. Testatur id viva voce, unanimi sensu la-
boriosissimorum protunc Professorû selectissima Co-
hors, quomodo profundos rerum scrutabatur, per-
plexos explanabat sensus, aperiebat secreta, revela-
bat abscondita, quomodo ingenij luce difficultatum
nubila in purum clarioris intelligentiæ ærem resol-
vebat. Vidit has ingeniorum Arbitra & mentium o-
cellus, Princeps Astræa in Eo dotes, ponderavit me-
rita laboresve, in bilance Themis, quantum æstima-
verat dedit testimonium, Quem brevi avocans in
ornamentum sui poposcerat, cum Stoæ svadæq; cor-
dolio,

dolio, quòd delictum sui amisisset JOANNEM ad quod Eum, docti animi compositio, pulchrave oris gratia efformavit. In venerando justitiæ Senatu, certantem pro moribus Catonem, pro æquo justoque; zelandem agens Aristidem, stetit pro legibus, locutus pro juribus, docendo clarè, explicando faciliter, omnimodè informando. Non atria solum, ut plerique; habent ad gloriâ satis, Divæ revisit Themidis, sed ipsum juris intravit Sacrum, proinde, in intimiorem ejus cognitionem, profundiorè intelligentiam veniebat. Non solum autem verbis, sed & factis curabat docere, in sui vita recti observantiam, actionibus justitiam, progressibus honestatem, moribus decentiam, affectibus temperiem, conversatione exemplar, exprimendo, Leges Canonesque; dictando, Canonis probitatis seriò attenderat, hanc legem, hanc agendorum amissim, semper præ mente & oculis habendo, primò sibi explicuit, primò se informaverat, ad quam totum illum animi venerandum Senatum regulabat. Quòd si plura hujus rei requirantur testimonia, ea quæ edissero, uterque; loquetur Orbis, non tantum in minori Polonia, virtute meritis & laboribus JOANNES Gigas erat, sed major quoque; Polonia nil in Eo se vidisse non magnum, nil non sublime proficitur. Septennio Academiae Posnaniensis DIRECTOREM agens, vel hoc numero universitate designante temporum, universa ad Officij exigentiam, amplissimi nominis gloriam, fecisse satis declaratur. Si enim gravis negotiorum incumberebat moles, bajulus hujus ponderis Atlas erat, si bonum laborabat commune, animosus pro eo decertans Hector, cui quoque; provisurus, propriis sumptibus Argenti reimpredi curaverat, major in sui actibus Alexandrò apparuit, brevi tempore de affectu Orbis illius triumphando.


Merita quam ampla, quæ utrumq; impleverè Orbem,
occuparunt corda, possederunt affectus, omnium vo-
ta, singulorum desideria tenuerunt. Probavit illius
Sapientiam Generale Posnaniense Consistorium,
Quem in Assesorem deligens, pro Tripode habuit,
in obvijs quibusvis causis paratissimò ad resollen-
dum ingenio existentem. Super pectus Domini re-
cubuisse JOANNEM Religiosorum affirmabant
cætus, cum quibus disputando Theologus, ita argu-
mentis claris, instantiis apertis, rationibus utebatur
lucidis, ac si de Illo Fonte de Quo claritas & splendor
Scientiæ dimanat in ingenia, limpidissimas hausisset un-
das. Zelum Ejus Divorum loquuntur exedræ, in qui-
bus Sacratior Pericles tonabat in scelera, in rebelles
Superis Gigantes fulminabat. Ordinandorum Exa-
minator electus, ita eorum virtutes moresq; trutinava-
rat, ut nisi sorte Domini vocatos Aris admoveret
Divorum, factus exemplar Cleri, veri Numinis cul-
tum, fervorem in Superos, pietatem in DEUM edo-
cebat. Librorum per Diæcesim Posnaniensem CEN-
SOR, Ipse sine crisi, sine Censura erat, Quem
virtus à mendis, ab erroribus Sapientia, à lituris gra-
tia expurgavit. Casimiriensis Ecclesiæ Præpositus, o-
mnibus suis negotijs interesse Divini honoris præpo-
suit, neglectam populorum salutis resuscitavit Cau-
sam, exulem de cordis Regia Divini cultus observan-
tiam, denuo revocavit. Ne fundata inter populos
rueret devotio, jura vindicavit Ecclesiæ, collapsam
erexit, nutantem stabilivit, majori sua destructam par-
te reparavit. In æstimatione populorum, magnorum
amore Virorum tantum creverat, ut Illorum erum-
pentibus gratijs (nisi se quadam modestâ subduxisset
renitentiâ) totus inundasset favoribus, non solum
enim in minori Polonia Principibus placuerat Viris,
utpote

utpote ILLUSTRISSIMIS SZANGUSZKO in RAKOW
& SMOLANY Ducibus CZARTORYISCIIS, LUBO-
MIRSCIIS, DABSCIIS, MOSZCZYNSCIIS, WYZYC-
CIIS, WILKONSCIIS, sed in majori quoq; Polonia
magnorum in Republica Procerum, veluti SZOLDR-
SCIORUM, ROGALINSCIORUM, PAWŁO-
WSCIORUM, MYCIELSCIORUM, KOŁACZ-
KOWSCIORUM, NIEGOLEWSCIORUM, MIA-
SKOWSCIORUM, BOIANOWSCIORUM, NIE-
ZYCHOWSCIORUM, & plurium aliorum cordibus
adhæserat, Quem apud se omnibûs retinere modis
fatagebant. Ast non potest teneri flamma nequeunt
fisti flumina non potuit ille magnus animus ampliora
indies quærens spatia quibusdam angustijs coarctari.
Unde magnis meritorum passibus redit ad Almam U-
niversitatem Matrem, non aliter nisi velut Sol suam
denuo sivevit redire in sphæram, eadem laborum stadia
emensus. Exempla ut video Germani sui Fratris Vi-
ri in hac Universitate emeritissimi secutus, in Cujus
tersissima diaphani animi crystallo, cultissimam agen-
dorum speciem intuetur. Ac velut Themistocles Mil-
tiadis trophæis, ita præclaris Fratris sui facinoribus in-
dies incitatur ad majora, Ejus inquam factis, Qui en-
cyclopædia scientiarum factus, ore Tullium, eloquio
Maronem, ingenio refert Aristotelem, circa cujus pul-
herrimum efformandum genium multum operabatur
natura, in extruendum prægrandis mentis Palatium,
quod Principes insident qualitates, singulæ dotes non
modicum pretii expenderunt. Quantam incrementis
temporum Sapientiæ & meritorum abundantiam col-
legerit, quàm irremisso conamine cæptis incumbat la-
boribus, ingeniorum amissis, Sapientiæ pupilla, ver-
ticalis eruditionis apex, selectissima Illorum Virorum
inter quam nunc vivit feliciter testatur Cohors, Illo-

rum inquam Virorum, qui secum Delphos & Tripo-
da ferentes, omni tempore & negotio allegationes &
capitula ad manum habent, in fortuitis incidentiū ex
improviso casuum eventibus, non per longam delibe-
rationis investigant viam, aut in promptu resolutionem
gestant, testantur ergo Ejus rectefactorum magnitudinē,
ampla gloriæ latifundia occupare. Vere Vir aureus in
pretia Musarum, solidiori scientia conflatus, cui defuit
inanis tinnitus pompæ, excelsus non clatus, sublimis
non tumidus, fastigiosus non fastuosus, ab omni pror-
sus ambitu ab omni ostentatione alienus. Pulcherri-
mas animi dotes ceu Cælestis arcus varios in se con-
clufit colores, cujus prudentia in dandis saluberrimis
consilijs, in peragendis rerum negotijs dexteritas, in
vincendis adversitatibus fortitudo enituit, patent la-
bores, in tot arduis cum gloria Gentis Togatæ ab-
solutis Spartis, patent merita altitudine sublimia, am-
plitudine vasta, singularitate conspicua, quibus nunc
Diva in præmium Themis offert in utroq; Jure Do-
ctoratum. Fatisceret Oratoris Spiritus, si Rhetori-
ca gradatione omnes laborum semitas per quas Il-
le processerat decurreret, sed quia rem nude tracta-
re elegi, clariùs ejus expressurus energiam, proin-
attingendo tantum obviè, rudi Stylo, inculto cala-
mo, breve hoc, indubitatum tamen habiturum fi-
dem apud sæcula, omni exceptione majorum dicta
continens testium, liturâ vacuum ab omni assenta-
tionis nota alienum, Sigillo Communitatis muni-
tum, publicum hoc confeci,
INSTRUMENTUM.



ts
e.
M
o-
m
o
es
er
ne
a-
ut
o
e-
y-
ni-
e-
.
.
.
.
.



22000,-

3.XII.13



Bibliotheca
P.P. Camaldulensium in Bielany

Depozyt w Bibliotece Jagiellońskiej



02350

